

cinbio

MARZO 2023

RESUMO MENSUAL DE ACTIVIDADES



XERENCIA CINBIO

- Instalación de novas impresoras/fotocopiadoras no centro. Para o seu uso desde os distintos ordenadores podedes contactar co SAUM no tfno. 813622.
- Instalación de armarios de reactivos e residuos baixo vitrinas.
- Reunión da comisión de seguemento do Servizo de Bioexperimentación.
- Reparación e posta de novo en servizo do equipamento Zetasizer.
- Recepción das vitrinas de extracción de gases do grupo de Nanomateriais biomiméticos.

Pechado do centro: O CINBIO permanecerá pechado no período do 3 ao 9 de abril.

- Instrución da xerencia 3/2023, do 29 de marzo, pola que se regula o desenvolvemento do peche dos centros, instalacións e dependencias da Universidade de Vigo no período do 3 ao 5 de abril de 2023. Podes consultalo en: <https://secretaria.uvigo.gal/uv/web/avisos/aviso/show/40119>



PREPARATIVOS DO VI ANNUAL MEETING

O CINBIO celebrará os días 20 e 21 de xullo o seu Annual Meeting. Esta cita, que este ano chega a súa VI edición, está organizada polas investigadoras e investigadores de posdoutoramento do noso centro co obxectivo de reunir científicas e científicos interesados nas áreas de química, bioloxía, medicina, física, matemáticas e informática, apostando así por unha xuntanza de carácter interdisciplinario.

A xuntanza celebrarase no edificio de Ciencias Experimentais do campus de Vigo nunha modalidade totalmente presencial. O programa do encontro aínda non está completamente pechado, si o está a lista de oradoras e oradores convidados de diferentes disciplinas que xa se pode consultar na páxina web.

Coma sempre, a participación é gratuita pero é necesaria inscrición e a recepción de abstracts está aberta ata o 5 de maio.

[Máis información aquí.](#)





INTRODUCCIÓN Á CITOMETRÍA

Ao longo do mes de marzo tivo lugar o curso "Introducción á citometría de fluxo", impartido pola compañeira do #teamCINBIO Mercedes Peleteiro, responsable do servizo de citometría do noso centro. Nas sesións teóricas e prácticas tratáronse aspectos tanto de citometría analítica como de citometría sorting.

[Máis info.](#)



"REFERENTES QUE INSPIRAN"

O pasado 3 de marzo, África González, líder do grupo de Inmunoloxía, participou na xornada "Referentes que inspiran", organizada polo grupo "Mujer y Ciencia" da Sociedad Española de Bioquímica y Biología Molecular (SEBBM) en colaboración co Museo Nacional de Ciencia y Tecnología (MUNCYT) de A Coruña.

[Máis info.](#)



FUNNANO BIO ASESORA A UVIGO SPACELAB

Persoal investigador do grupo FunNanoBio asesora a Uvigo SpaceLab na posta a punto do ensaio biolóxico da misión BIXO, o quinto satélite da UVigo que será lanzado cun experimento a bordo en 2024, seleccionado polo programa Fly Your Satellite! da ESA. Desde o #teamCINBIO agradecemos moito poder formar parte deste proxecto.

[Máis info.](#)



CINBIO EN INSTAGRAM

Neste mes de marzo no CINBIO ampliamos as nosas redes e estreamos conta en Instagram. Neste perfil compartiremos o día a día no noso centro de investigación e trataremos de achegarnos a un público máis novo, informando e divulgando a ciencia que facemos. Animámonos a seguir a conta e darlle difusión! [Máis info.](#)



ALIMENTACIÓN SAUDABLE

O 20 de marzo o Faro de Vigo entrevistou ao noso compañeiro Federico Mallo, líder do Laboratorio de Endocrinoloxía (LabEndo). A entrevista xirou arredor da súa aposta pola formación en nutrición e a actividade física para mellorar a saúde desde a alimentación en nenos e maiores. [Máis info.](#)



INVESTIGANDO CON NANOESTRELAS

O 22 de marzo o diario El País fíxose eco do traballo do noso compañeiro e líder do grupo de Nanomateriais Biomiméticos do CINBIO, Luis Liz-Marzán, arredor dos nanomateriais feitos con metais nobres e a súa posible intervención no ámbito da saúde. [Máis info.](#)



ÁFRICA GONZÁLEZ, VIGUESA DISTINGUIDA

O pasado 23 de marzo a nosa compañeira África González converteuse en Viguesa Distinguida nunha gala celebrada no Teatro Afundación promovida polo Concello de Vigo. O alcalde de Vigo, Abel Caballero, referiuse á ela como "unha científica de primeiro nivel mundial no relativo á inmunoloxía". [Máis info.](#)




PROXECTO NANOCULTURE

O DUVI fíxose eco dos resultados do proxecto *Nanoculture*, promovido polos grupos TeamNanoTeach e Magnetic Materials do CINBIO, xunto con outros socios europeos. O desenvolvemento de sensores capaces de detectar na auga mariña nanopartículas de óxido de titanio e de prata é un dos grandes avances do proxecto. [Máis info.](#)



LUIS LIZ, DOUTOR HONORIS CAUSA

O pasado xoves a Universidade de Amberes investiu a Luis Liz-Marzán como doutor honoris causa en recoñecemento ao seu labor na investigación como pioneiro na síntese e caracterización de nanopartículas metálicas plasmónicas, poñendo en valor as súas achegas no eido da detección precoz de enfermidades. [Máis info.](#)



CIENTIFIS

Lembramos ao persoal CINBIO que temos a súa disposición o software de xestión **CIENTIFIS**, onde poden acceder online e actualizar o seu CV, proxectos e info de grupo, actualizándose de forma automática en cinbio.es.



EMPREGO

Ofertas de emprego abertas no CINBIO:
<https://cinbio.es/emprego-formacion/emprego/>



ENQ. SATISFACCIÓN

Lembra que temos dispoñible todo ano a enquisa de satisfacción e son benvidas propostas e suxestións. Aínda que se o prefires, estaremos encantadas de atenderte de forma presencial na Unidade de Xestión.

PREVISIÓNS ABRIL 2023

22 e 23 abril
Porta do Sol, Vigo
<https://cinbio.es/cinvigo>

A ciencia toma a rúa
no 1º festival científico de Vigo!

CinVigo
Ciencia na rúa

Organizan: CINBIO, CONCELO DE VIGO

Patrocinan: RADIOVIGO, BUCHI, JASCO, Portomédica, El Corifeo, VODEA, Consello Social Universidade de Vigo

CINVIGO - 22 E 23 DE ABRIL, PORTA DO SOL (VIGO)

[HTTPS://CINBIO.ES/CINVIGO](https://cinbio.es/cinvigo)

Os días 22 e 23 de abril celebraremos en Porta do Sol (Vigo) o festival científico CinVigo. O que será un grande evento de divulgación para todas as idades no que ademais de espertar vocacións científicas e aumentar a cultura científica da poboación, queremos dar a coñecer aínda máis o noso centro de investigación. Tendes información que se irá actualizando na web <https://cinbio.es/cinvigo>

Que é CinVigo?


- Concurso ESO, bacharelato e FP: contaremos máis de 50 stands na praza de Porta do sol coa participación de varios centros educativos de toda Galicia. En cada stand, alumnado de secundaria amosarán os seus proxectos científicos a toda a sociedade e competirán por levarse varios premios.
- Challenge: Para estudantado universitario e de FP, contaremos cun challenge que porá a proba as habilidades físicas e mentais dos seus participantes.
- Obradoiros infantís: Para rapazada de 3 a 13 anos contaremos con obradoiros científicos, idea orixinal de @maestraentusiasmada.
- Contaremos ademais coa participación da Ciencieneta, monólogos Ciencia Calidade, xincanas científicas e moito máis!

Será un evento moi grande por iso se vos apetece participar e colaborar connosco sería xenial. Teremos espazo para montar algún stand nos que podedes montar experimentos e demostracións para toda a familia e, ademais, precisamos tamén de xente que nos bote unha man na organización xeral do evento (faremos un diploma de participación). Por favor, se vos apetece colaborar enviádenos un mail co voso nome e poñerémonos en contacto convosco o máis axiña posible.

Agardamos sexa un éxito e a primeira de moitas edicións e que toda a sociedade poida achegarse e desfrutar un pouquiño máis da ciencia.

#teamCINBIO

Son benvidas todo tipo de **suxestións e ideas** sobre as áreas temáticas das actividades formativas, así como [proposta de seminarios e clases maxistrals](#). Igualmente, todos aqueles/as que queirades participar presentando a vosa investigación no ciclo "Coñece ao #teamCINBIO", non dubidedes en facérnolo saber.



cinbio.es



*PO FEDER Galicia 2014-2020
"Unha maneira de facer Europa"*